

常衮

竹居叟廬

全唐文
卷四百十四之四百十六

年

竹

一

二

三

全

欽定全唐文卷四百十四目錄

常袞 五

加田神功實封制

加田承嗣實封制


減京兆尹以下俸錢制

褒勞勲臣制

喻安西北庭諸將制

劉晏宣慰河南淮南制

李涵河北宣慰制



李涵再使河北制

臧希讓使朔方制

宣慰嶺南制

宣慰湖南百姓制

減徵京畿夏麥制

減徵京畿丁役等制

京兆府減稅制

放京畿丁役及免稅制

減淮南租庸地稅制

減京兆府秋稅制

免京兆府稅錢制

減京畿秋稅制

欽定全唐文卷四百十四

常袞

五

加田神功實封制

勅土宇服章以敘其德田租帖食以答元勲故寇鄧兼四
縣之封張陳加萬戶之數開府儀同三司檢校尚書左僕
射使持節汴州諸軍事兼汴州刺史御史大夫充汴宋等
州節度使觀察處置等使上柱國信都郡王食實封五百
戶田神功間生河朔性與忠厚嘗秉大節服勞王家凡所
委遇必當要重竭其公私益用親信入居百揆之右外作

四方之屏自河而南戎鎮斯大總兵車之所會賜鈇鉞以
專征考禮正刑豐財禁暴敬事節用老安少懷懋乃丕績
肆於時夏服我休命敬茲分土可加實封一百戶餘竝如
故
加田承嗣實封制開府儀同三司檢校尚書
勅懋策勲之賞則啟封邑賜真食之命方入田租故采地
以處其子孫書社以尊其侯伯開府儀同三司檢校尚書
左僕射兼魏州大都督府長史御史大夫兼魏博等州節
度觀察處置及管內支度營田等使上柱國鴈門郡王食

實封二百戶田承嗣出自河朔挺茲才器公忠有素文武
是經行惟高簡言必誠信委之腹心實所親重內列端揆
外當藩翰距河作鎮瀕海撫封貞一以奉上明恕以臨下
謀出韜鈴之外功成戰伐之前專精牧人盡瘁事國政刑
必中都鄙有章訓以農耕之業課其蠶織之事家給而禮
讓攸興氣和而札瘥不作舊章咸舉厥貢惟殷來東人之
職勞首循吏之行理嘉命休績允茲褒勸食其井賦用協
典常可加實封二百戶餘並如故

減京兆尹以下俸錢制

勅輦轂之下封畿之內承前戶口五千餘萬京兆祿廩不
過二百石俸錢不過三十貫降至下吏差次可知自頃艱
虞且踰星紀歲有事邊之役人多盡室之行閭井蕭然百
不存一而府縣之俸十倍平時官高者因其使名數處請
受位卑者假以職掌恣加優給致令所典之務移在他曹
雖齊等倫頓異豐薄皆自常稅之外重斂而供浸弊則宏
因循未改減我軍國之用困其疲耗之人豈計人置官之
意度農制祿之法也四方取則其若是乎比下詔書務於
勤恤將求致理切於澄源遂委中書門下條錄奏聞而躬

親簡括巨細精詳覽其名實之狀深歎過差之極革其既
往制在惟新爰據高卑以之均節使人足以奉闕吏足以
資家務有不急悉皆除去仍量閑劇權省官員胥徒廝役
亦有蠲減費用既少困窮自安唯出正租更無徵率其京
兆府及縣官月俸除正斷外不得輒有增加如判司軍
丞簿尉等有犯科錄事參軍及縣令如令長及錄事參軍
及少尹有犯坐京尹畫一之令當在必因勸百之義固非
末減各儆於位無近於刑

褒勞勲臣制

勅方伯連帥能修其職則勞之以璽書載之於正典式是

羣岳歸於至公以勤其職頌聲興矣周禮以孟春之月懸

法布令採詩觀俗亦褒理行之時也其有惠訓一方吏之

表率朗然明舉固可首之某官某受任藩閫清

節獨立以身率下化在於言前風行於疆外清西南之

氛齊一華夷之俗憂國如家上下同體屬關輔連雨去秋

非穰以豐財節用之餘資備邊出師之費雖給馬官渡

食成辛勤王助邊何以加此誠則垣翰之寄奉上無私亦

將廉吏清風夙夜相勉也寐期休績至於再三詔書諭懷

宣示方鎮

諭安西北庭諸將制

勅天下既定萬里寧一豈王者獨運而臻此耶實賴文武將守腹心之臣宣力強任捍禦於外也往以蕃戎並暴縱毒邊表乘豐伺隙連兵累年城門晝閉王師遐阻遮殺漢使盜取節印恣睢橫厲甚逆天理而國朝未暇襲遠置於度外實五京二庭存亡危急之秋也河西節度使周鼎安西北庭都護曹令忠爾朱某等義烈相感貫於神明各受方任同獎王室率辛李之將用甘陳之謀與羌騎校尉王

后君長以下自金城玉關至於南北戊午踰流沙跨西海
蒲類破白山戰爭致命出於萬死賴天之靈以戰則剋不
動中國不勞濟師橫制數千里有輔車首尾之應以威以
懷張我右掖稜振於絕域烈切於昔賢微三臣之力則度
隍踰隴不復漢有矣每有使至說令忠等憂國勤王誠徹
骨髓朝廷聞之莫不酸鼻流淚而況於朕心哉遐想攸攸
耿歎何已或恐凶醜狡譎反復離間妄說國難搖動人心
今所以疏其事實一以相報近有流落蕃中十數年者至
闕庭知犬戎惡稔上疑下阻日就殘滅加之疾疫灾及羊

馬山谷填委天亡之時及酋奴自速其禍諸蕃連衡以助
進取力屈氣衰亡逃於苦寒之地西北邊患蕩然以清至
於九夷南盡百越玉帛來朝於魏闕苞茅入貢於王祭黨
項內附回中大寧天下郡國一其教理王畿征調漸復平
時子儀移鎮於邠郊抱玉進攻於天水士馬百萬當令悉
西方垣翰之寄所宜協心戮力抗厲威武同赴戎會也勉
卒志業以時康功慶流子孫永久無替高映勲典豈不休
哉每念戰守之士十年不得解甲白首戎陣忠勞未報心
之惻怛不忘終食要當候大師所指窮荒蕩定懸爵位以

相待傾府庫之所有以答西州賢士大夫忘身報國之誠
遣詔諭意非一二所能盡也

劉晏宣慰河南淮南制

勅書曰元后作人父母又曰一夫不獲則曰時予之辜政
或不平訟或不理則人受其弊氣生其災噢咻連聲愁苦
無告州縣長吏莫之省憂念茲疚懷中夜三歎朕以不德
託於人上永言理道敢不勵精然自兵亂一紀事殷四方
耕夫困於軍旅蠶婦病於餽餉欲求無事豈可得乎致令
戶口減耗十無一二而河南淮南又甚諸道得非菟乘補

數急賦橫稅之煩致使遑駭匪寧流庸不復兼亦親
一職少有政術稱者其於賦役多患不均靡室靡家皆
六穀無衣無褐亦調其庸雖節制廉察皆務令條理而
官冒法未絕姦源誅求無厭鰥寡重困永歎遐想過實
在予巡撫之寄資於碩德某宮某相府之舊道在安人自
河之南天下之半底慎財賦衣食京師久於倚任多所宏
濟因其旋南將命攸屬所至之處宣示詔書撫將校之勤
勞問黎元之疾苦事有未便法或不行委之釐革歸於允
當或假其征徭私有聚斂或託以貢獻公然乾沒厚取於